

# PRIFYSGOL BANGOR

## AMODAU PRESWYLIO

### 1 Rhagarweiniad

- 1.1 Mae'r amodau yn y ddogfen hon yn gymwys i fyfyrwyr sy'n cytuno i gymryd llety sydd yn eiddo i'r Brifysgol, neu a brydesir neu a reolir ganddi. Maent yn rhan o'r Cytundeb Preswyllo y bydd y myfyriwr yn ei dderbyn (fel rheol) ar-lein, a bydd iddynt rwymedigaeth gyfreithiol ar ôl i'r myfyriwr a'r Brifysgol gytuno ar yr amodau. Daw'r cytundeb hwn dan gyfraith Loegr ac efallai y bydd myfyrwyr tramor yn ei gweld yn bur wahanol i'r gyfraith sydd mewn grym yn eu gwledydd eu hunain. Dylai myfyrwyr nad ydynt yn sicr ynghylch ymrwymo i'r Cytundeb Preswyllo geisio cyngor cyn llofnodi.
- 1.2 **DYLAI MYFYRWYR DDARLLEN YR AMODAU PRESWYLIO YN OFALUS A SICRHAU EU BOD YN BAROD I GYTUNO IDDYNT CYN DERBYN Y CYTUNDEB PRESWYLIO.**
- 1.3 Er mwyn gwarchod buddiannau mwyafrif y myfyrwyr, os bydd myfyriwr yn torri'r Amodau Preswyllo, gall y Brifysgol gymryd camau disgyblu, gofyn i'r myfyriwr dalu iawndal, neu derfynu'r Contract Preswyllo, yn dibynnu pa mor ddifrifol yw'r tor-amod.
- 1.4 Yn yr Amodau Preswyllo hyn, ystyr "myfyriwr" yw unrhyw un sy'n byw yn gyfreithiol yn llety'r Brifysgol.
- 1.5 Rhaid i fyfyrwyr anfon pob gohebiaeth am eu Cytundeb Preswyllo i'r Swyddfa Neuaddau, Safle Ffriddoedd, Ffordd Ffriddoedd, Bangor, Gwynedd LL57 2GP, 01248 382667 neu e-bostio [neuaddau@bangor.ac.uk](mailto:neuaddau@bangor.ac.uk) ac eithrio lle noda'r Amodau Preswyllo hyn i'r gwrthwyneb.
- 1.6 Lle bo'r Amodau Preswyllo hyn yn mynnu bod y myfyriwr yn rhoi hysbysiad ysgrifenedig i'r Brifysgol ac na all y Myfyriwr wneud hynny am resymau sydd a wnelont ag anabledd, gall y Myfyriwr ddefnyddio dull arall o gyfathrebu, ond mewn achosion o'r fath, bydd y Brifysgol yn cadarnhau'r hysbysiad i'r Myfyriwr yn ysgrifenedig neu trwy gyfrwng parhaol arall.

### 2 Rhwymedigaethau'r Myfyriwr

#### 2.1 **Talu'r Tâl Preswyllo i'r Brifysgol ymlaen llaw cyn neu ar y Dyddiadau Talu**

Mae'r Tâl Preswyllo a nodir yn y Cytundeb Preswyllo am y Cyfnod Preswyllo llawn a dylid ei dalu yn llawn adeg cofrestru oni ddewiswch dalu trwy ddebyd uniongyrchol neu dynnu'n rheolaidd o gerdyn credyd. Mae'r manylion llawn yn y wybodaeth am daliadau a ddarperir gan Swyddfa Gyllid y Brifysgol ym mhecyn cofrestru'r myfyrwyr. Dylai myfyrwyr Socrates, Erasmus a myfyrwyr cyfnewid neu ymweld eraill sy'n preswyllo yma am 1 semester yn unig dalu yn ôl y cyfarwyddiadau ar yr atodlen dalu ar wahân a anfonir atynt gyda'u cytundeb preswyllo.

Caiff unrhyw gostau ychwanegol a ddaw i ran y myfyriwr yn ystod y flwyddyn (er enghraifft, tâl am ddifrod) eu hychwanegu at gyfrif y myfyriwr a bydd y Brifysgol yn casglu'r tâl trwy ddebyd uniongyrchol neu dynnu'n rheolaidd o gerdyn credyd fel y gwelir yn y wybodaeth a ddarperir gan Swyddfa Gyllid y Brifysgol.

Mae costau'n dod i ran y Brifysgol lle bo tâl yn hwyr, a chaiff y costau hyn eu pasio ymlaen at y myfyrwyr sy'n gyfrifol. Bydd y Brifysgol yn ychwanegu ffi o £30 at gyfrif myfyriwr am bob llythyr atgoffa neu gais am dâl a anfona (ac eithrio am yr hysbysiad cyntaf am bob rhandaliad), neu lle mae sic yn bownsio neu lle nad oes digon o arian mewn cyfrif banc i dalu'r debyd uniongyrchol.

Os bydd yn rhaid i'r Brifysgol fynd i'r llys i adennill arian sy'n ddyledus gan fyfyrwr, bydd y Brifysgol yn ychwanegu at ei hawliad y costau a'r treuliau iawn a rhesymol, gan gynnwys ffioedd cyfreithiol a chost amser rheoli.

Dylai myfyrwr sy'n mynd i drafferthion ariannol gysylltu â'r Swyddfa Gyllid cyn gynted ag y deuant yn ymwybodol fod problem yn debyg o godi. Gallai cysylltu'n gynnar arbed y Brifysgol rhag gorfod anfon nodyn atgoffa - a gall hyn arbed y ffi o £30. Po hwyaf yr oedir cyn talu, mwyaf fydd y ddyled, felly mae'n bwysig nad yw myfyrwr yn anwybyddu eu rhwymedigaethau talu.

Dan reoliadau'r Brifysgol, gall y Brifysgol wrthod ailgofrestru neu ddyfarnu gradd i fyfyrwr sydd mewn dyled i'r Brifysgol. Bydd y Brifysgol yn annhebygol o gynnig llety am Gyfnod Preswyllo pellach i fyfyrwr sydd â dyled Prifysgol neu record ddrwg o dalu.

Os yw'r Tâl Preswyllo 28 diwrnod yn hwyr, gall y Brifysgol - yn ychwanegol at fynd i'r llys i adennill y ddyled - derfynu'r Contract Preswyllo a chymryd camau i droi'r myfyrwr allan. Caiff y costau a ddaw'n gywir a rhesymol i ran y Brifysgol trwy wneud hynny eu hychwanegu at y swm a hawlir oddi wrth y myfyrwr.

Lle bo'r Brifysgol yn cymryd camau llwyddiannus yn y llys i adennill y ddyled, cofnodir y dyfarniad ar gofnodion y llys sirol. Mae asiantaethau cyfeirio credyd yn chwilio trwy'r cofnodion hyn, a gall unrhyw fyfyrwr y mae ei h/enw yn ymddangos arnynt gael anhawster cael cerdyn credyd, cerdyn siop neu ffôn symudol ... neu, mewn blynyddoedd i ddod, morgais.

Mae myfyrwr yn atebol am y Tâl Preswyllo am y Cyfnod Preswyllo cyfan, oni therfynir y Cytundeb Preswyllo yn un o'r ffyrdd a ddisgrifir yn yr Amodau Preswyllo hyn. Ni ad-delir Tâl Preswyllo am unrhyw gyfnodau o absenoldeb.

Lle bo myfyrwr yn cyrraedd yn hwyr, mae'r Tâl Preswyllo yn daladwy o ddiwrnod cyntaf y Cyfnod Preswyllo, er na fydd y myfyrwr, efallai, wedi bod yn trigo yno ers y dyddiad hwnnw.

## 2.2 Talu'r Blaendal i'r Brifysgol cyn y daw'r Cytundeb Preswyllo i rym

Nodir swm y Blaendal ar Gytundeb Preswyllo pob myfyrwr. Rhaid i fyfyrwr dalu eu Blaendal pan fyddant yn derbyn y Cytundeb Preswyllo ar-lein a'i ddychwelyd i'r Brifysgol. Ni fydd y Brifysgol yn cadw ystafell nes iddi dderbyn y Blaendal.

Dan Reoliadau Gwarchod y Defnyddiwr (Gwerthu o Bell) 2000, mae gan fyfyrwr nad ydynt wedi cysylltu wyneb yn wyneb â'r Brifysgol cyn dod yn rhan o'r Cytundeb Preswyllo yr hawl i ganslo'r Cytundeb Preswyllo a chael ad-dalu eu Blaendal ar yr amod eu bod yn hysbysu'r Swyddfa Neuaddau yn ysgrifenedig (mae hyn yn cynnwys ffacs neu e-bost) am y canslo o fewn 7 diwrnod gwaith, gan gychwyn gyda'r diwrnod ar ôl y dyddiad y bu i'r myfyrwr a'r Brifysgol dderbyn y Cytundeb Preswyllo.

Nid yw'r hawl i ganslo yn gymwys ar ôl i fyfyrwr ddod i fyw yn y llety.

Dylai unrhyw fyfyrwr sydd am ganslo hysbysu'r Swyddfa Neuaddau cyn gynted ag y bo modd, rhag i randal cyntaf y Tâl Preswyllo gael ei godi arno, ond ni fydd y Brifysgol yn ad-dalu Blaendaliadau oni dderbynnir hysbysiad canslo yn ystod cyfnod canslo cymwys.

Yn ychwanegol at hawliau myfyrwr dan Reoliadau Gwarchod y Defnyddiwr (Gwerthu o Bell) 2000, mae gan bob myfyrwr yr hawl i ganslo eu cais trwy ysgrifennu (gan gynnwys ffacs neu e-bost) at y Swyddfa Neuaddau (gweler amod 1.5). Os bydd y Swyddfa Neuaddau yn derbyn hysbysiad canslo erbyn 31 Awst, ad-delir y Blaendal.

Dylai unrhyw fyfyrwr sy'n disgwyl cyrraedd ar ôl diwrnod cyntaf y Cyfnod Preswyllo gysylltu â'r Swyddfa Neuaddau. Bydd y Swyddfa Neuaddau yn dal yr ystafell am 4 diwrnod wedi diwrnod cyntaf y Cyfnod Preswyllo, ond wedi hynny, gall ailosod yr ystafell.

Os nad yw myfyrwr wedi cyrraedd, ac na chysylltwyd â'r Swyddfa Neuaddau, bydd y Brifysgol yn ymdrechu'n rhesymol i gysylltu â hwyrdyfodiaid yn ystod 4 diwrnod cyntaf y Cyfnod Preswyllo. Os na wnaed cysylltiad rhwng myfyrwr a'r Brifysgol yn ystod 4 diwrnod cyntaf y Cyfnod Preswyllo, daw'r Cytundeb Preswyllo i ben yn awtomatig ac ni chaiff y Blaendal ei ad-dalu.

Os gwneir cyswllt, mae modd cadw'r ystafell am 4 diwrnod cyntaf y Cyfnod Preswyllo. Os nad yw'r myfyrwr yn cyrraedd yn ystod y 4 diwrnod hwn, daw'r Cytundeb Preswyllo i ben yn awtomatig ac ni chaiff y Blaendal ei ad-dalu.

Os gwneir cyswllt, a bod y myfyrwr angen i'r ystafell gael ei chadw am gyfnod hwy na 4 diwrnod, rhaid i'r myfyrwr dalu rhandaliad cyntaf y Tâl Preswyllo ar unwaith, neu fe all y Brifysgol derfynu'r Cytundeb Preswyllo 4 diwrnod wedi diwrnod cyntaf y Cyfnod Preswyllo, rhoi'r ystafell i fyfyrwr arall, ac ni chaiff y Blaendal ei ad-dalu.

Lle sicrhawyd lle i fyfyrwr yn llety'r Brifysgol, daw'r Cytundeb Preswyllo i ben er hynny os na ddaeth y Myfyrwr i'r llety yn ystod 4 diwrnod cyntaf y Cyfnod Preswyllo (neu amser arall y cytunwyd arno yn ysgrifenedig gyda'r Brifysgol). Fodd bynnag, bydd llety dros dro ar gael i fyfyrwr sy'n cyrraedd yn hwyr gyda lle'n sicr o gael ei gadw, hyd nes gellir gwneud trefniadau mwy parhaol.

Weithiau, ni fydd myfyrwr yn medru cyrraedd oherwydd nad oeddent yn gallu cael fisa, neu am resymau eraill y tu hwnt i'w rheolaeth. **Dan yr amgylchiadau hyn, dylai'r myfyrwr gysylltu â'r Swyddfa Neuaddau o fewn 4 diwrnod cyntaf y Cyfnod Preswyllo.** Bydd ar y Brifysgol angen prawf o'r rhesymau dros gyrraedd yn hwyr, a therfynir y Cytundeb Preswyllo oni fydd y myfyrwr yn cyrraedd o fewn pedair wythnos gyntaf y Cyfnod Preswyllo, a thalu rhandaliad cyntaf y Tâl Preswyllo, neu os gofynna'r myfyrwr am derfynu'r cytundeb. Os bydd y Brifysgol yn rhesymol fodlon fod rheswm dilys pam na all y myfyrwr ddod i'r llety, gall y Brifysgol ad-dalu hyd at ddwy ran o dair o'r Blaendal **os gellir ail-osod yr ystafell a osodwyd yn wreiddiol.**

Ni adewir ystafelloedd yn wag dan unrhyw amgylchiadau am fwy na phedair wythnos wedi cychwyn y Cyfnod Preswyllo ac ni dderbynnir ail ran na rhannau eraill y Tâl Preswyllo oni fydd myfyrwr yn byw yn y llety.

Defnyddir y Blaendal fel rhagdaliad Tâl Preswyllo (ac eithrio mewn llety teuluol lle caiff ei gadw fel blaendal difrod nes i'r deiliad adael yr eiddo). Yna, defnyddir y blaendal (ac eithrio mewn llety teuluol) i ostwng POB taliad dilynol sy'n ddyledus i'r Brifysgol. Dylai myfyrwr sy'n dewis talu'r Tâl Preswyllo mewn un lwmp swm adeg cofrestru sicrhau bod y blaendal o £300 yn cael ei ystyried.

### **2.3 Bwrw golwg ar gynnwys yr ystafell a rhoi gwybod i'r Brifysgol am unrhyw ddiffyg ymhen 7 niwrnod o ddechrau'r Cyfnod Preswyllo**

Bydd y cynnwys yn amrywio yn ôl math yr ystafell, ond bydd yr holl ystafelloedd yn cynnwys

Gwely sengl	Desg	Wardrob
Cadair esmwyth	Cadair syth	Llenni
Gorchudd llawr	Golau	

Gofynnir i bob myfyrwr fwrw golwg ar gynnwys yr ystafell ar ddechrau'r Cyfnod Preswyllo. Ceir hysbysiad ym mhob ystafell sy'n rhestru cynnwys yr ystafell. Cyfrifoldeb y myfyrwr yw bwrw

golwg ar y cynnwys a dweud wrth y Brifysgol am unrhyw eitem a ddifrodwyd neu sydd ar goll o fewn 7 niwrnod. Mae ffurflen yn eich llawlyfr i roi gwybod am eitemau sydd ar goll neu i wneud cais am waith cynnal a chadw. Os na chawsoch lawlyfr, cysylltwch â'r Swyddfa Neuaddau fel mater o frys i gael un os gwelwch yn dda.

Bydd y Brifysgol yn archwilio ystafelloedd ar derfyn y Cyfnod Preswyllo a bydd yn codi ar y myfyriwr unrhyw gostau adfer difrod (ac eithrio am draul arferol) neu ddiffyg oni chrybwyllwyd yr anghysondeb o fewn y terfyn 7 niwrnod.

OS NA FYDDWCH YN RHOI GWYBOD I NI AM UNRHYW BROBLEMAU FEL Y GOFYNNWYD, EFALLAI Y CODIR ARNOCH AM UNRHYW EITEMAU Y GWELIR EU BOD WEDI EU DIFRODI NEU AR GOLL PAN ARCHWILIR EICH YSTAFELL. RYDYM YN ARGYMELL Y DYLECH GADW COPI O UNRHYW ADRODDIAD A ANFONIR GENNYCH.

Ni ddarperir y canlynol:

Llestri coginio, llestri, sosbenni, cadachau llestri, hylif golchi llestri

Deunyddiau glanhau

Tyweli

Llieiniau\*

Papur tŷ bach mewn ystafelloedd *en-suite*

Mae modd prynu eitemau a nodir â \* gan y Brifysgol - gweler yr adran wybodaeth yn y Llawlyfr Myfyriwr hwn.

#### **2.4 Cadw'r Llety, y Cynnwys ac (ar y cyd â'r myfyrwyr eraill) y Mannau Cyffredin yn lân a thaclus, a'u gadael yn lân a thaclus ar ddiwedd y Cyfnod Preswyllo**

Mae pob myfyriwr yn gyfrifol am gadw ei ystafell ei hun yn lân ac yn daclus. Mewn rhai neuaddau, darperir hwfer, ond mewn neuaddau eraill, mae modd trefnu defnyddio hwfer gyda'r aelod staff domestig sy'n gyfrifol am y neuadd. Mae myfyrwyr mewn ystafelloedd *en-suite* yn gyfrifol am lanhau eu hystafell gawod eu hunain.

Mae'r Brifysgol yn archwilio ystafelloedd, a lle nad yw myfyriwr yn cadw at yr amod hwn, bydd y Brifysgol yn rhoi rhybudd i'r myfyriwr yn gofyn am i bethau gael eu hunioni ymhen wythnos. Os na chafwyd gwelliant ar ôl archwiliad pellach, gall y Brifysgol ddefnyddio glanhawyr proffesiynol a chodi cost gwneud hynny ar y myfyriwr (gan gynnwys ffi weinyddu o £10.00).

Mae pob myfyriwr yn gyfrifol am lanhau a thacluso wedi iddynt ddefnyddio'r Mannau Cyffredin. Mae hyn yn cynnwys golchi a chadw unrhyw offer a ddefnyddiwyd, a glanhau unrhyw beth a gollwyd ar y bwrdd gweithio, y popty neu'r llawr neu yn yr oergell.

Mae'r Brifysgol yn trefnu bod y Mannau Cyffredin yn cael eu glanhau'n rheolaidd, ond ni fydd glanhawr yn golchi llestri nac yn tacluso ar ôl y myfyrwyr.

Os nad yw myfyrwyr yn cydymffurfio â'r amod hwn, yna bydd y Brifysgol yn gweithredu fel a ganlyn:

- (a) cyflwyno rhybudd i'r myfyrwyr yn gofyn iddynt unioni pethau ymhen wythnos. Os na chafwyd gwelliant ar ôl archwiliad pellach, gall y Brifysgol ddefnyddio glanhawyr proffesiynol i wneud yr hyn y dylai'r myfyrwyr fod wedi ei wneud a chodi cost gwneud hynny (gan gynnwys ffi weinyddu o £25) ar y grŵp o fyfyrwyr. Os bydd unrhyw fyfyrwr yn teimlo y codwyd y gost yn annheg, gall gwyno i'r Swyddfa Neuaddau; ac/neu

(b) peidio â darparu gwasanaethau glanhau, heb ad-dalu'r Tâl Preswyllo, nes bod cyflwr y Mannau Cyffredin yn gwella.

Lle gwyddys fod unrhyw fyfyrwr/fyfyrwyr yn torri'r amod hwn yn gyson, gall y mater gael ei drin fel mater disgyblu. Dan yr Amodau Preswyllo hyn, gall torri'r amodau yn gyson arwain at ddirwyon a/neu derfynu Cytundeb Preswyllo'r Myfyriwr.

Rhaid gadael y llety yn lân a thaclus ar ddiwedd y Cyfnod Preswyllo (ar ddiwedd pob tymor llety, lle gadewir y llety dros gyfnodau gwyliau'r Nadolig a'r Pasg). Oni adewir y Llety yn lân a thaclus, codir ar y Myfyriwr am gostau rhesymol glanhau'r llety.

Ar ddiwedd y Cyfnod Preswyllo (ar ddiwedd pob tymor llety, lle gadewir y llety dros gyfnodau gwyliau'r Nadolig a'r Pasg), rhaid gadael yr holl Gynnwys yn yr un safle ag yr oeddent ar ddechrau'r Cyfnod Preswyllo.

Ar ddiwedd y Cyfnod Preswyllo (ar ddiwedd pob tymor llety, lle gadewir y llety dros gyfnodau gwyliau'r Nadolig a'r Pasg) bydd y Brifysgol yn cymryd o'r Llety unrhyw eitemau nad ydynt yn rhan o'r Cynnwys. Ceir gwared ar eitemau darfodus ar unwaith. Cedwir eitemau eraill gan y Brifysgol am gyfnod o 7 niwrnod, ac wedi hynny gall y Brifysgol gael gwared ar yr eitemau hyn yn ôl eu doethineb. Os bydd y Brifysgol yn gwerthu'r eitemau, bydd y Brifysgol yn tynnu £10 o ffi weinyddol o elw unrhyw werthiant, a defnyddio'r gweddill i wneud iawn am unrhyw dyled sydd ar y myfyriwr i'r Brifysgol. Bydd y Brifysgol yn anfon unrhyw arian dros ben ymlaen at y myfyriwr (isafswm o £10). Os na fydd modd dod o hyd i'r myfyriwr (gan ddefnyddio ymdrechion rhesymol), neu lle bo'r swm dros ben yn is na £10, anfonir yr elw at elusen. Os bydd y Brifysgol yn defnyddio rhywun i ddarganfod y myfyriwr, tynnir y costau o elw'r gwerthiant.

Rhaid i fyfyrwyr mewn llety sydd i'w wagio ar un o'r gwyliau semester, neu ddau ohonynt, symud eu heiddo oddi yno ar derfyn pob tymor llety oni bai fod y Brifysgol yn eu hysbysu yn ysgrifenedig nad os raid iddynt wneud hynny. Mae dyddiadau'r cyfnod preswyllo wedi eu nodi'n glir ar y Cytundeb Preswyllo.

## **2.5 Peidio â symud o'r Llety, y Mannau Cyffredin, yr Adeilad neu'r Cynnwys, gosod unrhyw beth arnynt, eu newid, eu difrodi neu geisio trwsio'u hadeiladwaith neu eu haddurniad**

Mae difrod damweiniol yn digwydd, a lle rhoddir gwybod am hyn i'r Swyddfa Neuaddau ar unwaith, mae gan y Brifysgol yr hawl i beidio â chodi am y difrod, yn dibynnu ar yr amgylchiadau. Mae'n annhebygol yr edrychir ar ddifrod a achosir oherwydd esgeulustod neu ddiolfalwch fel difrod damweiniol.

Yn achos difrod arall, bydd y Brifysgol yn codi ar y Myfyriwr union gost unioni'r difrod a ffi weinyddu o £10 i £25 (yn dibynnu ar faint a natur y difrod). Ceir rhestr o gostau am ddifrod (heb fod yn un cyflawn) ar ddiwedd yr Amodau Preswyllo hyn.

Lle bo'r Brifysgol yn rhesymol ystyried bod y difrod yn fwriadol, diofal neu'n esgeulus dros ben, gall y Brifysgol drin y mater fe un disgyblaethol yn ogystal â chodi am gost adnewyddu neu drwsio. Mewn achosion difrifol neu gyson, gall y Brifysgol hefyd derfynu'r Cytundeb Preswyllo.

Nid yw'r rhestr isod yn gyflawn, ond y mae'n disgrifio'r math o ddifrod sy'n digwydd amlaf, ac y dylai myfyrrwyr geisio ei osgoi:

- ni ddylai myfyrrwyr ddefnyddio sossbenni gwneud sglodion;

- arddangos sticeri, hysbysiadau, negeseuon ac ati ar waliau a'r drysau; dylai myfyrwyr ddefnyddio hysbysfyrddau yn unig ar gyfer hyn;
- defnyddio tâp gludiog neu sticeri ar arwynebau addurnol
- marcio dodrefn - symudwch ef yn ofalus, ceisio osgoi sgriffiadau, a chymerwch ofal gyda hylifau a chwistrellau (fel persawr)
- marcio gorchuddion lloriau - haearnau smwddio, olew, gwin etc.
- gosod paent, staen, stensiliau neu bapur wal
- cau unrhyw bibelli neu ddraeniau
- peidio â gwneud yn siŵr fod llen y gawod wedi ei osod yn iawn y tu mewn i'r gawod
- hongian golch o'r nenfwd
- sychu dillad yn unman lle nad oes awyru digonol
- sychu dillad ar y gwresogydd ystafell oherwydd gallai achosi perygl tân
- newid y llenni

Ni ddylai myfyrwyr osod (na threfnu i eraill osod) unrhyw gebl, erial, dysgl lloeren na chyfarpar arall (yn cynnwys llinellau ffôn) wrth unrhyw ran o'r adeilad. Mae hyn yn cynnwys llety ar gyfer teuluoedd.

**2.6 Lle ceir difrod neu golled yn y Llety a lle nad oes modd i'r Brifysgol (trwy weithredu'n rhesymol) ddarganfod pwy sydd ar fai, talu cyfran deg a rhesymol o gost trwsio'r difrod neu wneud iawn am y golled gan gynnwys cyfran o'r ffi weinyddu o £25**

Mae hyn yn debycaf o ddigwydd yn y Mannau Cyffredin y tu mewn i'r Adeilad. Lle bo difrod yn digwydd y tu allan i'r Adeilad, ac mai barn resymol y Brifysgol yw nad myfyrwyr a'i hachosodd, bydd y Brifysgol yn trin y difrod fel cais yswiriant lle bo modd.

Os tybia unrhyw fyfyrwr yn rhesymol na ddylid codi arni/o (er enghraifft, lle medrant brofi eu bod i ffwrdd ar y pryd) gallant gyflwyno eu gwrthwynebiad i'r Swyddfa Neuaddau i ddechrau. Os cadarnheir y gwrthwynebiad, gall hyn olygu bod y myfyrwyr eraill yn yr Adeilad yn gorfod talu cyfran fwy.

**2.7 Dweud wrth y Brifysgol am unrhyw ddifrod neu ddiffyg trwsio neu fethiant yn y gwasanaethau o fewn 24 awr o fod yn ymwybodol ohono**

Dylid dweud wrth y Swyddfa Neuaddau am unrhyw ddifrod ac unrhyw beth sydd angen ei drwsio. Mae Ffurflenni Cais Cynnal a Chadw ar gael yn y Swyddfa Neuaddau a gellir rhoi gwybod am faterion cynnal a chadw hefyd drwy e-bost at [neuaddau@bangor.ac.uk](mailto:neuaddau@bangor.ac.uk). Mewn llawer o achosion, mae'n well dweud yn syth bin, rhag i ddifrod waethygu os na wneir rhywbeth yn ei gylch. Os digwydd mwy o ddifrod o ganlyniad i fethiant myfyriwr i grybwyll yr angen am drwsio, gall y Brifysgol geisio adennill cost y difrod hwnnw gan y myfyriwr. Nid oes rheidrwydd ar y Brifysgol i wneud gwaith trwsio nad oedd yn ymwybodol ohono, ac na allasai'n rhesymol fod yn gwybod amdano, hyd oni roddir hysbysiad.

Bydd y Brifysgol yn ymdrin â nam ar sail blaenoriaeth, ac yn gwneud gwaith trwsio cyn gynted ag sy'n rhesymol ymarferol.

Nid yw'r Brifysgol yn atebol am unrhyw golled neu ddifrod (megis data coll neu fwyd wedi dadmer) sy'n deillio o doriad yn y cyflenwad trydan neu ddŵr, neu sy'n codi o fethiant cyfarpar, onid achoswyd hyn gan esgeulustod y Brifysgol neu ei methiant i gydymffurfio â'i rhwymedigaethau yn yr Amodau Preswyllo hyn.

Bydd y Brifysgol yn codi ar y myfyriwr gost iawn a rhesymol trwsio neu adnewyddu unrhyw ddifrod a achoswyd gan y myfyriwr.

## **2.8 Peidio â gwneud unrhyw beth a allai beri difrod i osodiadau neu gyfarpar trydanol yn y Llety**

Rhaid i fyfyrwyr ofalu bod unrhyw gyfarpar trydanol a ddeuant gyda hwy wedi pasio'r Prawf Offer Cludadwy yn ddiweddar. Mae gan y Brifysgol yr hawl i wirio cyfarpar trydanol myfyrwyr fel rhan o archwiliadau ystafell, ac os ystyrir yn rhesymol bod unrhyw gyfarpar yn annogel, mynnu bod y myfyriwr yn ei anfon am brawf (ar draul y myfyriwr). Gall y Brifysgol symud cyfarpar trydanol annogel neu na chafodd brawf ond bydd yn rhoi derbynneb i'r myfyriwr amdano ac yn ei ddychwelyd ar ddiwedd y Cyfnod Preswyllo.

Dim ond cyfarpar watedd isel y gall myfyrwyr eu defnyddio yn yr adeilad. Ymhlith enghreifftiau o gyfarpar o'r fath mae setiau radio, systemau cerdd cludadwy, cyfrifiaduron personol, setiau teledu a sychwyr gwallt.

Ni ddylai myfyrwyr ddod ag unrhyw offer gwresogi ychwanegol i'r adeilad. Ni ddylai myfyrwyr ddefnyddio offer coginio megis tegelli, tostwyr, poptai microdon, griliau trydan, platiau poeth, ffriwyr saim dwfn na stofiau gwersylla yn y Llety dan unrhyw amgylchiadau oni bai eu bod yn cael eu cyflenwi gan y Brifysgol. Gellir defnyddio sosbenni reis a brynwyd yn y DU ac sy'n addas i'w defnyddio gyda chyflenwad trydan y DU. Ond ni chaniateir sosbenni reis o dramor gydag addasydd trydanol ac NI DDYLID eu defnyddio yn y ceginau.

**Ni chaniateir defnyddio sosban reis mewn ystafelloedd gwely myfyrwyr a rhaid i bob sosban reis dros un oed gael prawf PAT gyda'r myfyriwr yn talu am y prawf.**

Rhaid i geblau estyniad gael eu hagog yn gyfan gwbl ac ni ddylid eu llwytho fwy na'r hyn a ganiateir ar eu cyfer. Rhaid iddynt gynnwys dull o warchod rhag ymchwydd trydanol (*surge protection*) a dim mwy na 4 o socedi ychwanegol. Mae'n rhaid i bob cebl estyniad gael prawf PAT. Dylai ceblau fod yn ddigon hir ar gyfer y dasg; ni ddylid eu tynnu'n dynn na'u cysylltu â'i gilydd. Rhaid gofalu na fydd y cebl yn berygl i unrhyw un faglu drosto ac ni ddylid ei orchuddio â dillad neu unrhyw ddeunydd arall a allai achosi i'r cebl orboethi. Mae defnyddio cebl estyniad yn yr ystafell ymolchi yn cael ei wahardd yn llwyr. Ni cheir defnyddio addasydd plwg 2-Ffordd a 3-Ffordd chwaith.

Gall myfyrwyr ddefnyddio oergelloedd personol yn y Llety dim ond os oes eu hangen i storio meddyginiaethau, a rhaid iddynt roi gwybod i'r Swyddfa Neuaddau ymlaen llaw.

Ni ddylai myfyrwyr ddod â pheiriannau golchi llestri, peiriannau golchi dillad na'u peiriant sychu dillad eu hunain.

## **2.9 Caniatáu i'r Brifysgol ar adegau rhesymol i ddod i'r Llety at ddibenion archwilio, glanhau, gwneud gwaith cynnal neu drwsio**

Ni fydd y Brifysgol fel rheol yn archwilio ystafelloedd fwy nag unwaith y tymor llety. Bydd y Brifysgol yn ceisio rhoi rhybudd rhesymol ymlaen llaw i fyfyrwyr am archwiliadau ystafell, trwy e-bost, ond hwyrach na fydd hyn bob amser yn ymarferol. Mae'n annhebygol y bydd yn ymarferol rhoi rhybudd pan mae angen gwneud gwaith cynnal a chadw neu drwsio.

Rhaid i fyfyrwyr hefyd ganiatáu mynediad i gontractwyr awdurdodedig y Brifysgol.

## **2.10 Peidio â gwneud dim a all fod yn berygl tân neu mewn unrhyw ffordd arall, beryglu iechyd a diogelwch eraill neu eiddo'r Brifysgol**

Rhaid i bob myfyriwr sy'n aros mewn neuadd breswyl gwblhau'r modiwl iechyd a diogelwch pan fyddant yn derbyn eu Cytundeb Preswyl ar-lein, neu mor fuan ag sy'n rhesymol ymarferol ar ôl hynny. Os byddwch yn methu â chwblhau'r modiwl, bydd y Brifysgol yn trin hyn fel torri Amodau Preswyl, a all arwain at ddirwy o £25.00, neu mewn amgylchiadau eithafol, derfynu'r Cytundeb Preswyl.

Mae Polisi Iechyd a Diogelwch y Brifysgol yn Llawlyfr Myfyrwyr Prifysgol Bangor, a dylai Myfyrwyr ymgysgu ag ef. Os bydd myfyriwr yn torri'r Polisi Iechyd a Diogelwch, bydd y Brifysgol fel arfer yn trin hyn fel torri'r Amodau Preswyl hyn yn ddifrifol, a gall arwain at derfynu'r Cytundeb Preswyl.

Mae rhybuddion rhagofalon tân mewn mannau drwy'r adeilad, a dylai myfyrwyr ymgysgu â'r drefn o adael.

Mae tân yn fater difrifol iawn mewn neuaddau preswyl, lle mae nifer fawr iawn o bobl yn byw yn agos at ei gilydd. Gall achosi perygl tân fod yn drosedd ddisgyblaethol neu yn dor-cyfraith, yn ogystal â thorri Amodau Preswyl.

Damweiniau neu esgeulustod, yn hytrach na gweithred fwriadol neu ddi-hid, sydd fel rheol yn achosi tanau. Dyma rai o'r achosion mwyaf tebygol:

- canhwyllau, lampau olew, aroglarth - ni ddylai myfyrwyr losgi unrhyw beth sydd â fflam agored yn yr adeilad (ac eithrio am boptái nwy mewn rhai ceginau)
- tân gwyllt - ni ddylai myfyrwyr ddefnyddio na chadw tân gwyllt yn yr adeilad nac ar y campws
- ysmegu - ni chaiff myfyrwyr ysmegu yn unman yn eiddo'r Brifysgol, nac o fewn 5 metr i unrhyw adeilad y Brifysgol. Mae hyn yn cynnwys Neuaddau Preswyl.
- posteri - ni ddylai myfyrwyr arddangos y rhain yn unman ond ar yr hysbysfyrdau
- sosbenni sglodion - ni ddylid defnyddio'r rhain o gwbl
- rhwystro drysau tân neu lwybrau dianc rhag tân
- cadw drysau ar agor fel nad oes modd eu cau
- dodrefn - ni chaiff myfyrwyr ddod â'u dodrefn eu hunain
- coginio heb aros yno i wyllo drosto

Bydd y Brifysgol yn trin tanau bwriadol neu ymyrryd â chyfarpar canfod ac atal tân fel achosion o dorri difrifol ar yr Amodau Preswyl ac fe fyddant fel rheol yn derfynu'r Cytundeb Preswyl.

Hefyd, gall y Brifysgol drin y mater fel achos disgyblu. Lle bo gan y Brifysgol reswm i gredu fod y myfyriwr wedi cyflawni trosedd, bydd y Brifysgol yn cyfeirio'r mater at yr awdurdodau. Bydd methu ag ymateb i ddril tân hefyd yn achos difrifol o dorri'r Amodau Preswyllo hyn.

Dros y blynyddoedd diwethaf, mae myfyrwyr mewn prifysgolion eraill wedi eu herlyn a'u carcharu am gychwyn larymau tân yn fwriadol.

Bydd y Brifysgol yn pasio ymlaen i fyfyrwyr unrhyw gostau a ddaeth yn briodol i'w rhan o gael cyfarpar wedi ei wirio, ei ailosod neu ei brofi wedi iddo gael ei weithredu heb achos da. Os na wyddys pwy oedd yn gyfrifol am ei gychwyn, caiff y costau eu trin fel taliadau difrod ar y cyd dan amod 2.6.

Mater o synnwyr cyffredin ac ystyried eraill, i raddau helaeth, yw iechyd a diogelwch. Yn ychwanegol at y rhagofalon tân, fe welir isod restr - heb fod yn gyflawn - o bethau fyddai'n debyg o beryglu iechyd a diogelwch eraill, neu eiddo'r Brifysgol:

- gemau pêl ger adeiladau neu mewn meysydd parcio
- barbeciws (mwg, sŵn, difrod i'r tiroedd)
- gadael bwyd i bydru
- cyfarpar trydanol diffygiol neu orlwytho'r gosodiadau trydan
- niwsans sŵn cyson
- aflonyddu
- bygythiadau neu ddifeniwi geiriol
- rhedeg mewn coridorau
- partïon
- anifeiliaid anwes (heblaw am anifeiliaid cymorth)
- annog anifeiliaid gwyllt i ddod i'r adeiladau
- salwch heintus
- methu â sychu defnydd a gollwyd neu rybuddio fod llawr yn wlyb
- gosod eitemau ar sil ffenestri allanol
- eistedd ar sil ffenestri
- taflu pethau allan trwy'r ffenestr
- gadael ffenestr ar agor mewn gwyntoedd cryf

Ni chaiff myfyrwyr ddod ag unrhyw arf nac arf ffug (nac eitem y gellir ei ddefnyddio felly) i'r campws, hyd yn oed os oes ganddynt drwydded ar ei gyfer. Os oes gan fyfyrwr eitem o'r fath ar y campws, gall y Brifysgol ofyn i'r myfyriwr ei gyflwyno er mwyn cael ei gadw'n ddiogel (a bydd yn rhoi derbynneb i'r myfyriwr fel y gall ei gael yn ôl ar ddiwedd y Cyfnod Preswyllo (oni bai i'r heddlu ei gymryd)). Bydd gwrthod rhoi'r eitem yn torri'r Amodau Preswyllo hyn yn ddifrifol a gall olygu y bydd y Brifysgol yn terfynu'r Cytundeb Preswyllo. Gall y Brifysgol ddweud wrth yr heddlu fod gan rywun arfau neu arfau ffug neu eitemau eraill y gellir ei ddefnyddio felly, a gallant roi iddynt unrhyw eitem a ildwyd gan fyfyrwr (ac os felly, ni fydd rheidwydd ar y Brifysgol i'w ddychwelyd i'r myfyriwr ar ddiwedd y Cyfnod Preswyllo).

Ni chaiff myfyrwyr ddod â chyffuriau anghyfreithlon ar gampws, ac ni ddylent ddod i'r campws os ydynt dan eu dylanwad. Bydd y Brifysgol bob amser yn dweud wrth yr heddlu am feddiant, defnydd, cyflenwi a delio mewn cyffuriau, a byddant fel rheol yn trin ymddygiad lle mae cyffuriau yn ffactor fel torri'r Amodau Preswyllo hyn yn ddifrifol, fydd yn arwain at derfynu'r Cytundeb Preswyllo. Bydd y Brifysgol yn trin camddefnyddio sylweddau fel defnydd o gyffuriau anghyfreithlon.

Rhaid i'r Brifysgol ystyried unrhyw anabledd y gall y myfyriwr fod yn dioddef ohono ac sy'n berthnasol i ymddygiad y myfyriwr wrth benderfynu a dorrwyd yr Amodau Preswyllo yn ddifrifol neu yn gyson, ac a ddylid cymryd camau disgyblu.

Gall y Brifysgol gadw mewn cof y defnydd o gyffuriau neu alcohol wrth asesu a dorrwyd yr Amodau Preswyllo yn ddifrifol neu yn gyson, ond fel ffactorau sy'n gwaethygu, nid yn lliniaru.

Rhaid i fyfyrwyr gloi drws eu Llety pan adewir ef yn wag, a, lle bo'r Llety ar y llawr isaf, y ffenestri hefyd. Mae myfyrwyr yn gyd-gyfrifol am gadw'r ffenestri yn y Mannau Cyffredin yn ddiogel, ac am gloi drysau fflatiau mewn neuaddau en-suite.

Rhaid i fyfyrwyr gydymffurfio â'r cyfarwyddiadau rhesymol a roddir gan staff y Brifysgol.

## **2.11 Cydymffurfio â'r holl ddeddfwriaeth berthnasol i'r graddau y bo hyn yn angenrheidiol i osgoi gweithredoedd neu esgeulustod y myfyriwr rhag cael effaith andwyol ar y Brifysgol neu ar berchenogion neu ddeiliaid eiddo cyfagos**

Mae unrhyw ymddygiad troseddol yn torri oblygiadau'r myfyriwr yn y Cytundeb Preswyllo a gall hefyd fod yn drosedd ddisgyblu dan Reoliadau'r Brifysgol ar Ddisgyblu Myfyrwyr.

Ni fydd y Brifysgol yn oedi cyn cyfeirio materion fel hyn at yr heddlu.

Mae trosedd ddisgyblu dan Reoliadau'r Brifysgol ar Ddisgyblu Myfyrwyr yn awtomatig yn torri'r Cytundeb Preswyllo a gall olygu y caiff ei derfynu. Mae hawl gan y Brifysgol i godi tâl ar fyfyrwyr am y colledion a ddaw i'w rhan o ganlyniad i'w hymddygiad.

Mae'n bwysig i fyfyrwyr gofio eu bod yn byw mewn cymuned a bod eu hymddygiad yn effeithio ar eraill. Rhan o addysg yw dysgu parchu ac ystyried eraill, a sylweddoli fod i bopeth a wnawn ganlyniadau.

Y mae gennym rai dyletswyddau a chyfrifoldebau dan gyfraith Cymru a Lloegr i ofalu nad ydym, trwy ein gweithredoedd neu esgeulustod, yn peri anaf i bobl, nac yn difrodi eu heiddo, nac yn eu hatal rhag gwneud eu gwaith arferol dan y gyfraith. Golyga hyn, er enghraifft, na ddylai myfyrwyr wneud cymaint o sŵn fel ei fod yn niwsans i eraill, na ddylent ddefnyddio eu llety yn y fath oedd fel ag i beryglu eraill (er enghraifft gosod pethau trwm ar sil ffenestri, a all ddisgyn ar bennau pobl sy'n pasio heibio, neu ddefnyddio offer trydanol diffygiol), ac ni ddylent gyflawni troseddau.

Tra bo'r Brifysgol yn annog pob myfyriwr i gadw at y gyfraith, nid oes a wnelo â methiant myfyrwyr i gydymffurfio â deddfwriaeth lle bo hyn yn fater hollol breifat nad yw'n effeithio ar y Brifysgol neu fyfyrwyr eraill. Er enghraifft, ni fyddai'r Brifysgol yn ystyried eich bod wedi torri eich cytundeb tenantiaeth petaech yn cael tocyn parcio yn y dref (er y gallech, yn dechnegol, fod wedi torri'r gyfraith) neu pe bai dyfarniad llys sirol yn eich erbyn am beidio â thalu i rywun ar wahân i'r Brifysgol.

## **2.12 Cydymffurfio â pholisïau, rheolau a rheoliadau'r Brifysgol a fu ar gael yn flaenorol i'r myfyriwr**

Mae'r Amodau Preswyllo hyn yn disgrifio cytundeb y myfyriwr gyda'r Brifysgol, i'r graddau y mae a wnelo â'u harhosiad yn llety'r brifysgol, a rhan yn unig ydynt o gontract y myfyriwr gyda'r Brifysgol. Y mae gan y myfyriwr rwymedigaethau eraill sy'n berthnasol i holl fyfyrwyr y Brifysgol, nid yn unig y rhai mewn neuaddau, a bydd torri'r rhwymedigaethau hyn yn cael ei drin fel torri'r Amodau Preswyllo hyn.

Mae Rheoliadau'r Brifysgol ar Ddisgyblu Myfyrwyr i'w gael yn y Llawlyfr Myfyrwyr ac ar gael hefyd ar-lein: <http://www.bangor.ac.uk/ar/main/ssc/docs/stuguide.pdf>

Mae polisiâu'r Brifysgol ar iechyd a diogelwch, aflonyddu a chyfle cyfartal i'w cael yn y Llawlyfr Myfyrwyr ac ar gael hefyd ar-lein: <http://www.bangor.ac.uk/ar/main/ssc/docs/stuguide.pdf>

### **2.13 Peidio ag achosi unrhyw niwsans, tramgwydd, tarfu, aflonyddu neu ymyrryd cyson ag eraill**

Rhaid i fyfyrwyr ystyried trigolion eraill ac ni ddylent wneud unrhyw sŵn y gellir ei glywed o'r tu allan i'w hystafell neu o'r tu allan i'r gegin neu'r ystafell ymolchi a rennir, ac oherwydd hyn, ni chaniateir i fyfyrwyr gael partïon yn eu neuadd. Bydd y Brifysgol yn trin sŵn a wneir rhwng 11.00pm a 7.00am fel niwsans sŵn difrifol. Gall niwsans sŵn difrifol neu gyson arwain at gamau disgyblu, ac y maent yn sail i'r Brifysgol derfynu'r Cytundeb Preswyllo.

Dylai myfyrwyr fod yn arbennig o ofalus yn yr haf, pan fydd ffenestri'n agored, ac ar adegau eraill o'r flwyddyn pa fydd arholiadau'n cael eu cynnal, a gofalu nad yw sŵn yn tarfu ar eraill.

Y mae aflonyddu'n drosedd, a gall y Brifysgol gyfeirio achosion o aflonyddu at yr heddlu. Edrychir ar aflonyddu fel achos difrifol o dorri'r Amodau Preswyllo.

### **2.14 Peidio â dod ag unrhyw anifail i'r Llety oni bai ei fod yn gymorth i rywun anabl**

Gofynnir i fyfyrwyr hysbysu'r Brifysgol ymlaen llaw os oes ganddynt anifail cymorth, gan y bydd yn rhaid i'r Brifysgol, efallai, wneud addasiadau rhesymol ar ei gyfer.

Ni ddylai myfyrwyr fwydo anifeiliaid sydd wedi crwydro nac anifeiliaid gwyllt, gan fod hyn yn eu hannog i ddod i mewn i'r adeilad.

At ddiben yr amod hwn, mae "anifail" yn cynnwys ymlusgiaid, adar, pysgod, pryfed, mamaliaid ac unrhyw beth nad yw'n fod dynol, yn blanhigyn neu yn ddifywyd.

### **2.15 Peidio â dod ag unrhyw gerbyd ar y campws heb drwydded ddilys gan y Brifysgol**

Rheolir parcio cerbydau gan drwyddedau ac mae nifer gyfyngedig o drwyddedau ar gael. Bydd gwybodaeth ar sut i wneud cais am drwydded parcio ar gael i fyfyrwyr ar y fewnwyd. Ond, gellwch hefyd ymweld â'r swyddfa Ystadau, neu ffonio yno, i wneud ymholiadau - 01248 382554.

Ni ddylai myfyrwyr gadw rhannau cerbydau modur yn yr adeilad.

Ni ddylai myfyrwyr farchogaeth na pharcio beiciau modur ar lwybrau troed ac ni ddylent fynd â hwy i mewn i unrhyw adeilad.

Ni ddylai myfyrwyr gadw beiciau mewn unrhyw adeilad oni bai ei fod yn lle pwrpasol ar gyfer hynny.

Gall y Brifysgol symud unrhyw feic, beic modur neu rannau cerbyd a geir yn ystod archwiliad (rhoddir derbynneb fel y gall yr eiddo gael ei ddychwelyd i'r perchennog ar ddiwedd y Cyfnod Preswyllo). Gall y Brifysgol ryddhau beic neu feic modur cyn diwedd Cyfnod Preswyllo os bydd y myfyriwr yn talu £25 o ffi rhyddhau a ffi weinyddu (ond nid oes rheidrwydd arni i wneud hyn).

Gall methu â chydymffurfio ag amodau'r drwydded beri bod y Myfyriwr yn agored i gamau disgyblu dan reoliadau parcio'r Brifysgol neu Reoliadau'r Brifysgol ar Ddisgyblu Myfyrwyr.

### **2.16 Peidio â defnyddio'r Llety at unrhyw ddiben ond fel llofft a lle astudio**

Ni chaiff myfyrwyr redeg unrhyw fusnes o'u Llety.

## 2.17 Peidio â rhannu'r Llety na'i is-osod na throsglwyddo'r ddeiliadaeth i unrhyw un arall

Llety addas ar gyfer un yn unig yw'r Llety ac ni chaniateir i ddau fyw yn yr un llety. Fodd bynnag, mae'r Brifysgol yn sylweddoli y bydd rhai myfyrwyr eisiau dod â ffrindiau yn ôl i'w llety ac y byddent efallai eisiau aros dros nos. Nod y Brifysgol yw creu a chynnal lle byw cytûn i bob myfyriwr preswyl a bydd cael cydweithrediad pob myfyriwr preswyl yn gymorth i ni sicrhau hyn. Felly, o bryd i'w gilydd mae'n bosib y gwnawn ganiatáu i aelod o'r teulu neu ffrind rannu ystafell myfyriwr am ddwy noson yn olynol ar y mwyaf mewn cyfnod o 7 niwrnod. Mae'n RHAID i breswylwyr roi gwybod i'w cyd-breswylwyr/rhai sy'n rhannu'r llety os ydynt yn bwriadu cael rhywun i aros dros nos, ac os yw cyd-breswylwyr yn gwrthwynebu, bydd rhaid cymryd ei deimladau i ystyriaeth. Dylai preswylwyr fod yn arbennig o sensitif mewn coridorau i ferched yn unig neu i ddynion yn unig wrth ystyried gwahodd gwesteion o'r rhyw arall i aros dros nos. Dylai preswylwyr gofrestru enwau eu gwesteion trwy lenwi'r ffurflen electronig sydd ar gael yma [www.bangor.ac.uk/accommodation](http://www.bangor.ac.uk/accommodation) <<http://www.bangor.ac.uk/accommodation>> cyn i'w gwesteion gyrraedd.

Mae myfyrwyr yn gyfrifol am eu hymwelwyr, ac y mae hyn yn cynnwys bod yn atebol am unrhyw ddifrod y maent yn ei achosi. Mae'n bosib y bydd rhaid i westeion adael yr adeilad ar unrhyw adeg yn ôl disgrisiwn yr Uwch Wardeiniaid neu'r Staff Diogelwch lle ystyrir eu bod yn ymddwyn mewn modd amhriodol neu'n achosi aflonyddwch i drigolion eraill. Mae'n rhaid i breswylwyr sicrhau bod eu gwestai'n ymwybodol o'r drefn gwagio adeilad mewn achos o dân.

Ni chaiff myfyrwyr gyfnewid ystafelloedd heb ganiatâd ysgrifenedig blaenorol staff Swyddfa'r Neuaddau. Bydd y Brifysgol yn codi £25 o ffi weinyddol am gyfnewid ystafelloedd gydag awdurdod. Bydd y Brifysgol fel rheol yn trin cyfnewid ystafell heb awdurdod fel mater disgyblu.

Mae caniatâd i fyfyrwyr mewn llety a ddynodwyd fel llety teulu i rannu eu Llety gyda'r Preswylwyr a Ganiateir a enwir ar eu Cytundeb Preswyllo. Rhaid i fyfyrwyr hysbysu'r Brifysgol am unrhyw un sy'n gadael eu haelwyd, neu'n ymuno â hi, ac ni ddylent fynd dros uchafswm nifer y preswylwyr a ganiateir ar gyfer pob tŷ neu fflat i deulu.

## 2.18 Anfon yn syth at y Brifysgol gopi o unrhyw ohebiaeth a dderbynia'r myfyriwr sy'n debyg o effeithio ar y llety neu'r adeilad

Nid yw'n debygol y bydd myfyrwyr yn derbyn unrhyw ohebiaeth swyddogol am y llety neu'r adeilad, ond os gwnânt, mae'n bwysig anfon y ddogfen yn syth at y Swyddfa Neuaddau.

## 2.19 Dychwelyd pob allwedd a cherdyn mynediad at y Brifysgol ar ddiwedd y Cyfnod Preswyllo â pheidio datgelu codau mynediad diogelwch i neb

Mae codau diogelwch ar lawer o ddrysau allanol yr adeiladau, a chaiff myfyrwyr wybod beth yw'r rhain pan fyddant yn dod i gasglu eu hallwedd. Ni ddylai myfyrwyr ddatgelu'r codau mynediad hyn i neb, na gadael neb i mewn i'r adeilad onid yw'n rhywun a awdurdodwyd gan y Brifysgol sydd wedi dangos tystiolaeth o'r awdurdod hwnnw. Ni ddylai myfyrwyr ysgrifennu'r codau mynediad yn unman. Os datgelir y cod mynediad, dylai'r myfyriwr dan sylw roi adroddiad am hyn i'r Swyddfa Neuaddau.

Cyfrifoldeb y myfyriwr yw allwedd i a chardiau mynediad o'r funud y maent yn eu casglu. Ni ddylid gwneud copiâu o allwedd, ac argymhellir bod y myfyrwyr yn tynnu'r darn sy'n dangos rhif yr ystafell (gan ei gadw i'w roi i mewn gyda'r allwedd ar ddiwedd y Cyfnod Preswyllo).

Os bydd myfyriwr yn cloi ei hun allan o'i ystafell, gall y Staff Diogelwch agor y drws iddo. Os bydd myfyriwr yn cloi ei hun allan o'i ystafell, bydd un o'r porthorion yn agor ei ystafell. Ar hyn o

bryd agorir eu hystafell i fyfyrwyr ar 2 achlysur cyn y codir tâl arnynt. Rhoddir manylion i fyfyrwyr pan fyddant yn cyrraedd. Gall cloi eich hunain allan yn aml arwain at achos disgyblu. Rhaid dweud wrth y Swyddfa Neuaddau cyn gynted ag y bo modd fod yr allwedd ar goll. Codir £15 am allwedd neu gerdyn allwedd newydd ar hyn o bryd. Os ystyria'r Brifysgol yn rhesymol fod angen newid y cloeon, codir costau llawn gwneud hynny ar y myfyriwr.

Os na fydd myfywr yn rhoi eu hallwedd i mewn ar ddiwedd y Cyfnod Preswyllo (neu pan adewir y llety dros gyfnod gwyliau'r Nadolig a'r Pasg), efallai y codir arnynt Dâl Preswyllo am bob wythnos neu ran o wythnos y cedwir yr allwedd neu, os archebwyd yr ystafell am gynhadledd, cyfradd ystafell am gynhadledd o £25 y noson. Bydd y Brifysgol hefyd yn codi £10 am bob nodyn atgoffa ysgrifenedig yn gofyn am ddychwelyd yr allwedd. Os na ddychwelwyd yr allwedd o fewn wythnos ar ôl diwedd y Cyfnod Preswyllo, gellir newid y cloeon a chodir union gost gwneud hynny ar y myfyriwr.

Gwaetha'r modd, ni all y Brifysgol gynnig unrhyw gyfleusterau storio dros UNRHYW gyfnod gwyliau.

Os bydd myfyriwr yn dychwelyd ei allwedd i'r Brifysgol hanner ffordd rhwng y Cyfnod Preswyllo, ni fydd hynny'n dod â'r Cytundeb Preswyllo i ben, a bydd atebolrwyd y myfyriwr i dalu'r Ffioedd Preswyllo yn parhau hyd nes terfynir y Cytundeb Preswyllo. Yr unig ffordd i derfynu'r Cytundeb Preswyllo yn gynnar yw trwy i'r myfyriwr ddilyn amod 5.

## **2.20 Talu i'r Brifysgol bob cost a ddaw yn rhesymol i'w rhan wrth orfodi ymrwymadau myfyriwr neu sy'n codi o'u torri gan gynnwys ffi weinyddu o rhwng £10 a £25, yn dibynnu ar natur y tor-amod, a beth sydd ei angen i'w orfodi**

Os bydd y myfyriwr yn torri'r Amodau Preswyllo hyn, mae gan y Brifysgol hawl i adennill gan y myfyriwr gostau iawn a rhesymol unioni pethau. Er enghraifft, os metha'r myfyriwr dalu'r Tâl Preswyllo ar y Dyddiad Talu, y canlyniad yw bod y Brifysgol yn gorfod anfon nodiadau atgoffa at y myfyriwr, bod y Brifysgol yn colli llog ar yr arian, ac yn y pen draw, hwyrach y bydd yn rhaid i'r Brifysgol gymryd cyngor cyfreithiol a mynd i'r llys i gael yr arian yn ôl a symud y myfyriwr allan. Mae gan y Brifysgol hawl i iawn am y canlyniadau hyn, ac i adennill ôl-ddyledion rhent, ei chostau gweinyddol priodol am amser staff yn mynd ar ôl y ddyled, a chost cyngor cyfreithiol a mynd i'r llys.

## **3 Rhwymedigaethau'r Brifysgol**

### **3.1 Darparu'r Gwasanaethau**

Dyma'r gwasanaethau a gynhwysir yn y Tâl Preswyllo:

- (a) trwsio'r adeilad
- (b) yswirio'r adeilad
- (c) darparu cyflenwad trydan i'r Adeilad
- (d) gwresogi a goleuo'r Adeilad
- (e) darparu dŵr poeth ac oer rhedegog i'r Adeilad
- (f) cael gwared ar sbwriel a roddwyd yn y cynhwysyddion priodol
- (g) glanhau'r Mannau Cyffredin yn rheolaidd
- (h) staff preswyl a diogelwch

Mewn llety ag arlwy, mae'r Tâl Preswyllo hefyd yn cynnwys brechwast a swper o ddydd Llun i ddydd Gwener.

Mae peiriannau golchi sy'n gweithio â darnau arian ar gael ar bob safle.

Hefyd ar gael am gost ychwanegol mae pecynnau dillad gwely - *duvet*, gorchudd *duvet*, cynfasau, gobennydd a gorchudd gobennydd.

Nid yw'r Brifysgol yn atebol am unrhyw fethiant neu ddiffyg yn y Gwasanaethau oni bai i hyn gael ei achosir drwy esgeulustod y Brifysgol.

### **3.2 Rhoi'r Llety a'r Cynnwys yn y cyflwr a ddisgrifir ar ddechrau'r Cyfnod Preswyllo ar yr amod fod y myfyriwr wedi crybwyll unrhyw nam neu ddiffyg o fewn 7 niwrnod o gychwyn y Cyfnod Preswyllo**

Bydd y Brifysgol yn gwneud unrhyw waith trwsio neu adnewyddu cyn gynted ag sy'n rhesymol ymarferol.

### **3.3 Ac eithrio mewn argyfwng, neu ar gyfer gwaith trwsio y rhoddwyd gwybod amdano, ymdrechu'n rhesymol i roi i'r Myfyriwr o leiaf 24 awr o rybudd cyn dod i mewn i'r Llety**

Ni hysbysir unigolion, ond fe fydd y Brifysgol yn ceisio gofalu y rhoddir hysbysiadau am ymweliadau cynnal ac archwiliadau ystafell arferol (drwy e-bost fel rheol), ond ni fydd y rhain yn nodi union amser ar gyfer pob ystafell. Lle, wedi archwiliad ystafell, y gofynnir i Fyfyriwr gymryd camau unioni, hysbysir y myfyriwr bryd hynny a fydd archwiliad arall, a bydd yr archwiliad pellach o leiaf 24 awr wedi rhoi'r rhybudd. Fodd bynnag, ni fydd y Brifysgol yn nodi dyddiad nac amser penodol ar gyfer archwiliad o'r fath. Gall y Brifysgol, lle mae ganddynt reswm dros gredu fod myfyriwr yn torri'r Amodau Preswyllo hyn neu lle maent yn rhesymol bryderu am iechyd neu les myfyriwr, fynd i'r Llety heb rybudd ymlaen llaw.

### **3.4 Peidio â tharfu mwy na sy'n rhesymol angenrheidiol ar fyfyrwr yn eu llety**

Bydd y Brifysgol yn ymdrechu'n rhesymol i wneud gwaith cynnal a chadw yn ystod y gwyliau lle bo hynny'n ymarferol.

Ni wneir archwiliadau ystafelloedd fel rheol fwy na 3 gwaith y flwyddyn, oni fydd gan y Brifysgol achos rhesymol dros gredu fod y Myfyriwr yn torri'r Amodau Preswyllo.

### **3.5 Peidio â datgelu gwybodaeth bersonol a gafwyd gan y myfyriwr ac eithrio fel y caniateir gan yr Amodau Preswyllo hyn neu lle mae perygl difrifol o niwed i'r myfyriwr, neu eraill, neu i eiddo'r Brifysgol**

Mae Amod 4.2 yn rhoi hawl i'r Brifysgol ddefnyddio data personol myfyrwr at bob diben cyfreithlon yng nghyswllt y Cytundeb Preswyllo (gan gynnwys adennill dyledion, atal troseddau, mesur boddhad a cheisio sicrhau cymysgedd cywir o fyfyrwr yn yr Adeilad) neu lle bo perygl difrifol o niwed i'r Myfyriwr neu eraill neu i eiddo'r Brifysgol.

Mae rheolau arbennig yn ôl y gyfraith ar gyfer myfyrwr ag anableddau sydd yn gofyn yn benodol am gadw gwybodaeth am eu hanabledd yn gyfrinachol.

## **4 Amodau Eraill**

### **4.1 Mae'r Myfyriwr yn gyfrifol am ymddygiad unrhyw westai/westeion a wahoddir.**

### **4.2 Mae'r Myfyriwr trwy hyn yn rhoi hawl i'r Brifysgol ddefnyddio ei d/ddata personol at bob diben cyfreithlon yng nghyswllt y Cytundeb Preswyllo (gan gynnwys adennill dyledion, atal troseddau,**

mesur boddhad a cheisio sicrhau cymysgedd cywir o fyfyrwyr yn yr Adeilad) neu lle bo perygl difrifol o niwed i'r Myfyriwr neu eraill neu i eiddo'r Brifysgol.

- 4.3 Nid yw'r Brifysgol yn atebol am golled neu ddifrod i bobl neu eiddo oni achosir y golled neu'r difrod trwy esgeulustod y Brifysgol, neu trwy dorri ei hymrwymadau yn yr Amodau Preswyllo hyn.
- 4.4 Nid oes rheidrwydd ar y Brifysgol i drwsio unrhyw ddifrod a achosir gan y Myfyriwr oni fydd yr yswiriant yn talu'r gost (gyda'r Myfyriwr yn talu unrhyw weddill ar y polisi) neu gan y Myfyriwr.
- 4.5 Gall y Brifysgol drin torri ymrwymadau'r Myfyriwr yn yr Amodau Preswyllo hyn fel mater disgyblu yn ogystal â thor contract.
- 4.6 Mae gan y Brifysgol yr hawl i symud o'r Llety neu'r Mannau Cyffredin unrhyw beth sy'n peri rhwystr neu berygl tân neu iechyd a diogelwch ond (oni fydd yn bydradwy), bydd yn ei ddychwelyd at y Myfyriwr adeg terfynu'r Cytundeb Preswyllo.
- 4.7 Rhaid i hysbysiadau a roddir dan y Cytundeb Preswyllo fod yn ysgrifenedig a chyfeiriad y Brifysgol ar gyfer cyflwyno yw'r Swyddfa Neuaddau, Safle Ffriddoedd, Ffordd Ffriddoedd, Bangor, Gwynedd LL57 2GP.
- 4.8 Ni fwriedir i'r Cytundeb Preswyllo roi unrhyw fudd i unrhyw un nad yw'n rhan ohono.
- 4.9 Mae'r Cytundeb Preswyllo (gan gynnwys yr Amodau Preswyllo hyn, ac unrhyw bolisiau neu reoliadau a gyflëwyd i'r Myfyriwr cyn dyddiad y Cytundeb Preswyllo) yn cynnwys yr holl delerau y cytunodd y Brifysgol a'r Myfyriwr arnynt pan ddaw i rym, a bydd unrhyw amrywiad i'r telerau yn dod i rym yn unig os cytunir arnynt rhwng y Myfyriwr ac aelod o staff Swyddfa Neuaddau'r Brifysgol. Bydd y Brifysgol yn cadarnhau unrhyw amrywiad y cytunir arno i'r Myfyriwr yn ysgrifenedig adeg gwneud yr amrywiad.
- 4.10 Gall naill ai'r Brifysgol neu'r Myfyriwr gyfeirio unrhyw anghydfod ynghylch y Cytundeb Preswyllo at yr Is-grŵp Neuaddau ac Arlwy, sy'n cyfarfod tair gwaith y flwyddyn.
- 4.11 Gall myfyrwyr sy'n anhapus â'r llety a neilltuwyd iddynt roi eu henwau ar restr aros i symud i ystafell arall. Ni fydd y rhestr aros ar gael tan AR ÔL ail neu drydedd wythnos Semester 1. Caiff y dyddiad ei hysbysebu yn Swyddfa'r Neuaddau. Dylai myfyrwyr nodi yr ychwanegir tâl o £25 i'w cyfrif ar gyfer gweinyddu a glanhau pan fyddant yn symud i ystafell wahanol.

## 5 Terfynu'r Cytundeb Preswyllo

- 5.1 **Cyrraedd yn hwyr** - dylid darllen yr amod hwn ar y cyd ag amod 2.2 am Flaendaliadau a chanslo:
  - (a) Oni fydd y Myfyriwr wedi gwneud trefniadau gyda'r Brifysgol i gyrraedd yn hwyr, a'i fod wedi talu i'r Brifysgol randaliad cyntaf y Tâl Preswyllo, daw'r Cytundeb Preswyllo yn awtomatig i ben os na ddaeth y Myfyriwr i'r llety o fewn 4 diwrnod o ddechrau'r Cyfnod Preswyllo.
  - (b) Lle terfynir y Cytundeb Preswyllo yn awtomatig, ni ad-delir y Blaendal oni fo'r Myfyriwr yn dod o fewn un o'r eithriadau a ddisgrifir yn amod 2.2.
- 5.2 **Terfynu gan y Brifysgol**

Gall y Brifysgol derfynu, neu atal am uchafswm o 28 diwrnod, y Cytundeb Preswyllo ar unrhyw adeg trwy gyflwyno rhybudd i'r Myfyriwr (ond nid oes rheidrwydd i wneud hyn) os

- (a) yw unrhyw dâl yn ddyledus ers 28 diwrnod neu fwy neu os
- (b) yw'r Myfyriwr yn ddifrifol neu yn gyson yn torri unrhyw rai o ymrwymadau'r Myfyriwr a ddisgrifir yn yr Amodau Preswyllo hyn
- (c) nad oes i'r Myfyriwr statws fel myfyriwr cofrestredig o'r Brifysgol
- (d) ym marn resymol y Brifysgol fod iechyd neu ymddygiad y Myfyriwr yn berygl difrifol iddo ef/hi ei hun neu eraill neu i eiddo'r Brifysgol neu eraill.

Gall cyfnod y rhybudd amrywio, yn ôl y rheswm dros derfynu.

### 5.3 Terfynu gan y Myfyriwr

Gall y Myfyriwr derfynu'r Cytundeb Preswyllo unrhyw adeg trwy gyflwyno rhybudd i'r Brifysgol (wedi'i gyfeirio at y Swyddfa Neuaddau) i gyrraedd cyn 31 Awst cyn cychwyn y Cyfnod Preswyllo.

Wedi 31 Awst gall y Myfyriwr derfynu'r Cytundeb Preswyllo trwy gydymffurfio â'r cyfan o'r amodau isod

- (a) cyflwyno rhybudd i'r Brifysgol (wedi'i gyfeirio at y Swyddfa Neuaddau) yn gofyn am derfynu cynnar
- (b) cydymffurfio â holl ymrwymadau'r Myfyriwr hyd at y dyddiad terfynu;
- (c) talu ffi (o £50 lle mae'r Brifysgol yn cael myfyriwr yn ei le neu £25 lle mae'r Myfyriwr yn cael myfyriwr yn ei le) tuag at gostau'r Brifysgol o weinyddu a glanhau'r ystafell

**Os cydymffurfir â'r holl amodau hyn, rhyddheir y Myfyriwr o'r Cytundeb Preswyllo ar y dyddiad pryd y bydd myfyriwr arall nad yw eisoes yn llety'r Brifysgol, ac sy'n rhesymol dderbyniol i'r Brifysgol, yn dod i gytundeb am weddill y Cyfnod Preswyllo.**

Bydd y Brifysgol yn cynghori'r Myfyriwr os oes myfyriwr arall ar y rhestr aros ar hyn o bryd, ond ni ddylai'r myfyriwr gymryd yn ganiataol y bydd rhywun ar gael i gymryd ei le.

Dylai myfyrwyr fod yn gwbl ymwybodol o natur ymrwymol gyfreithiol y Cytundeb Preswyllo ac ni ddylent arwyddo unrhyw gontract neu gytundeb yn ymwneud â llety ag unrhyw bartïon eraill nes eu bod wedi cael eu rhyddhau'n ffurfiol o'u Cytundeb Preswyllo. NI YSTYRIR unrhyw gontract neu gytundeb o'r fath â phartïon eraill yn rheswm dros dorri'r Cytundeb Preswyllo.

Weithiau mae gan y Brifysgol ystafelloedd gwag eisoes. Gall y Brifysgol osod yr ystafelloedd hynny i fyfyrwyr ar eu rhestr aros, neu i'r tenant arall a ddarperir gan y myfyriwr sy'n dymuno terfynu eu Cytundeb Preswyllo, cyn neilltuo'r ystafell yn perthyn i'r myfyriwr sy'n dymuno terfynu eu Cytundeb Preswyllo.

Nid oes raid i'r Myfyriwr gydymffurfio ag amodau (a) i (c) os mai'r rheswm dros derfynu yw tor- amod difrifol o ymrwymadau'r Brifysgol.

**Os bydd y Myfyriwr yn rhoi ei h/allweddi i'r Brifysgol cyn i'r myfyriwr arall arwyddo'r Cytundeb Preswyllo, mae'r Myfyriwr yn parhau'n atebol am y Tâl Preswyllo hyd nes daw'r Cytundeb Preswyllo newydd i rym. Os bydd myfyriwr yn dychwelyd ei allweddi a dim**

**myfyriwr newydd i gymryd y denantiaeth yn ei le, cedwir yr allweddi'n ddiogel yn unig ac ni fydd y myfyriwr yn cael ei ryddhau o'r Cytundeb Preswyllo.**

- 5.4 Os terfynir y Cytundeb Preswyllo yn gynnar naill ai gan y Brifysgol neu'r Myfyriwr, bydd y Brifysgol yn ad-dalu cyfran deg o Rent a dalwyd eisoes (wedi tynnu symiau priodol i dalu am golledion) cyn gynted ag y bo modd wedi i'r terfynu ddod i rym. Os terfyna'r Brifysgol dan gymal 5.2 am unrhyw reswm ac eithrio iechyd y Myfyriwr, ad-delir Rhent a dalwyd eisoes yn unig am y cyfnod y gall y Brifysgol ailosod y Llety, ac wedi gwneud hynny.
- 5.5 Mae'r Brifysgol yn cadw'r hawl i symud y Myfyriwr i lety tebyg arall gan y Brifysgol yn ystod Cyfnod Preswyllo lle bo'n rhesymol gwneud hynny, ond oni bai mai'r rheswm am y symud yw bod y Myfyriwr wedi torri un neu fwy o'i ymrwymadau yn y Cytundeb hwn, bydd gan y Myfyriwr yr hawl i derfynu'r Cytundeb hwn (heb orfod cydymffurfio â'r amodau yng nghymal 5.3) yn lle symud.

285 NWR Residence Conditions Cymraeg 5 wf